



Kalaallit Peqatigiiffiisa Kattuffiat Inuit – Fællesforeningen Inuit

NALIGINNAASUMIK ATAATSIMEERSUARNEQ 16. MARTS 2024 EQIKKAANEQ

1. Toqqagassat:

1a. Aqutsisussaq

Katrine Eriksen

1b. Imaqarniliortussat marluk – kalaallisut qallunaatullu

Qallunaatut allatsissatut siunnersuutigineqartoq isumaqatigineqanngikkaluartoq taasissutigineqarnerani 14-ini akuarineqarluni allattaassaaq.

Taamaalillutik Marie Møller-Lynge aamma Jennifer Angel Winther allattaassapput.

1c. Taasinernik kisitsisussat marluk

Inge-Lise Ujaloq kiisalu Ivalo Arsarnerit taasititsinermi kisitsisuussapput.

2. Oqaluuserisassat akuerineqarnerat

Allannguutissatut siunnersuutit ilanngullugit akuerineqarput

3. 2023-mut siulersuisut nalunaarutaat siulittaasumit saqqummiunneqarnera, Qulequttat

Nattoralik Vejle tikilluaqquneqarpoq peqatigiiffiillu ukioq manna nalliuttorsiortut pilluaqquneqarput.

Kalaallit Illui suleqatigilluarneqalernikuupput.

INUIT peqatigiiffinnik pulaartarnerat annertuniarneqarnera anguneqarpoq.

Peqatigiiffiit akunnerminni suleqatiginnerulernerat nuannaarutigineqarpoq.

Europaråd-i ataatsimeeqatigineqarsimavoq ikinnerussuteqartuuneq

unammillernartullu pillugit.

Danmarkimi kalaallit palaseqarniarneq pillugu ataatsimeeqartigineqarput.

Biskop Paneeraq Siegstad-illu siunnersuutigaa suleqatigiissitaliortoqassasoq.

Ilagiinnik pilersitsisoqarnissaa taassuma siunnersuutigaa. Nalunngilaat Qallunaat Nunaanni palaseqarniarneq ajornartorsiutaasoq.

Pikialaarfik Nordjylland-imi peqatigiiffinnit sisamanit suleqatigiillutik ingerlappaat sammisassarpassulalillu ingerlanneqarput, naak peqataasut amerlanerunissaannik kissaateqarnaraluartoq.

Tænketank ineriartortinneqarpoq INUIT-imillu tiguneqassalluni, Ulla-mut Kirsten-Imullu soqutiginnertik tunngavigalugu suliniuteqarsimasunut qujarujussuarpugut.

Teknik-ikkut pikkoriffilinnik suleqataarusussinnaasunik ujartuisoqarpoq nittartagaq pillugu.

50.000 kr.-inik Aningaasaliisinnaasunut qinnuteqartarneq isumalluarfigineqartartoq ukiuni kingullerni ajornakusoorneruleraluttuinnarpoq Kalaallit Nunaanni pisartunut atorineqarnerulernikummata.

INUIT-ip siulersuisuinut suleqataalluarsimasunut qujarujussuarpugut.

Ilagutariit Ulluat 25. Maj 2024 Madsby legepark-imi pissaaq.

7. dec. 2024 Juullimut inuulluaqqusinermi KpK Inuit ukiut 50-inngortorsilluni



Kalaallit Peqatigiiffiisa Kattuffiat Inuit – Fællesforeningen Inuit

Aamma nalliuttorsiussaaq.

Pikialaarfik pilersaarusiorneqassaaq.

2025-imut Inuit-imut ilaasortaanermut akiligassaaq e-mail-ikkut nassiunneqassaaq.

Peqatigiiffinni siulersuisunngortut nutaat nalunaarutigineqartarnissaat pingaaruteqarpoq.

Peqatigiiffiit marluk: Nasiffik Esbjerg kiisalu Paannaat Aalborg qanoq ingerlariaqqin-niarnersut paasiniarneqassaaq, Sofie SØholm Paannaat paasiniaaffigissavaa.

Inuit-i peqatigiiffiit ikiorneqarnissamik pisariaqartitsisut ornissavaat, taamatut-taaq Qajaq orninneqassaaq, mail-i atorlugu attaveqaatit peqatigiiffilerinerlu pillugit ingerlatsinissamik siunnersuisinnaallutik.

Inuit facebook-iata atia massakkut: "Kalaallit peqatigiiffiisa Kattuffiat Inuit"

Malittarisassani § 4.3 iluarsineqassaaq ima: "Minnerpaamik imarissaavaa",

Malittarisassanut ilanngunneqassaaq ilaasortat akiliisimanngitsut ilaasortaajunnaar-sinneqarsinnaapput"

Ullap siunnersuutigaa Henning Christiansen attavigineqassasoq assiutit "aaneqarnis-saannut ikiortiserlugu, Inuit-ip fb-ikkut gruppe-ata hackerneqarsimanera peqquti-galugu.

4. Aningaaserisup 2023-mut ukiumoortumik naatsorsuutini kukkunerisoriikkaniq saqqummiinera

Ukioq 2023 amigartoorutit: -50.316, 30.000 kr. 2022-imi isertinneqarsimasut 2023-mut isertitassatut naatsorsuutini nikingassutaanut ilassutigisussaapput taamaalilluni amigartoorut -15.170kr-iupput.

Siornatigut aningaaserisuusimasup Knud Erik siunnersuutigaa oqaaseqaatit tungas-suteqarfisinaanut quppernertut inissinneqarsinaasut, taama-ililluni naatsorsuutini qupperneq ataaseq "sipaarutaasinnaammat".

Tænketank-ip aningaasertuutai erseqqinnerusumik nassuiarneqarput.

NAATSORSUUTIT AKUERINEQARPOT.

5. Ilaasortaanermut akiliutip aalajangersarneqarnera

Inge-Lise siunnersuuteqarpoq ukiumut akiliut 700kr.mut qaffanneqassasoq.

Qallunaat Nunaat tamakkerlugu peqatigiiffiit ilaasortaqaarniarnerat pitsanngoriartun-gimmat 600kr. naammaginartut.

Kirsten Pedersen siunnersuuteqarpoq TUSA-mut Juullimullu inuulluaqqusinermi Akiliutip 25 kr.-mik qaffannissaa inissamiinnerusoq ilaasortanik 1400 kr-innaap laanissaaninngarnit.

Knud Erik aamma isumaqarpoq peqatigiiffiit qimarratilerneqarsaat aarlerinarnerusoq Ilaasortaanermut akiliutip qaffanneqarnissaaninngarnit.



Kalaallit Peqatigiiffiisa Kattuffiat Inuit – Fællesforeningen Inuit

Kirsten Møller-Jørn Kirsten Pedersen-ip siunnersuutaanut isumaqataavoq. Ukiumut akiliut taamaaginnassaaq 600 kr. 13-init isumaqatigineqarluni aalajangerneqarpoq. Massakkut ukiumut akiliut atuutsiinnerneqassaaq.

6.1 TUSA

6.1.a TUSA 2023-p nalilersorneqarnera

TUSA amigartoorutaajuartarsimavoq, aamma kingulermik, siornatigullu Juullimut inuulluaqqusinnermi sinneqartoorutit TUSA-mut matussutaasarsimallutik. Aningaasartuutit annertuut tassaasarsimapput unnukut nipilersortut nipilersumullu aningaasartuutit. Aningaasartuutit ikilisarniarneqartariaqarput. Erseqqissaatigineqassaaq Pejsegård-imiittarnermut peqqutit ilagigaat inip attartornerata akeqannginnera, aqqissuussinnermi nerisat kisimik akilerneqartarmata. Sumiiffia orniginarpallaanngikkaluaq sumiiffissamik allamik toqqaassagutta ininut attartorneq akisunerujussuannussamat. Mathilda Petersen isumaqarpoq aqqissuussinnermi ilaatigut nipilersortarut arlariit atorneqartarnerat pinngitsoortinneqarsinnasut, immaqa peqatigiiffiit aliikkusersuineq namminneq ingerlattartuuppasuk akikillisaataasarsinnaassagaluarpoq.

Aqqissuussinerup siusinnerusukkut nalunaarutigineqarsinnaasarnissaa Ujartorneqarpoq.

Camilla: Aqqissuussinerup ullulernerqarnerata nalunaarutigineqarnerata kingusinnera paasinarpoq. Ilaatigut inissanik tikikkuminarnerusinik allanik periarfissarsior-simanagerit peqqutaapput. Taamaattumik Plejsegård-imit ulluliussap akuerinerata nalunaarutigineqarnera utaqqissunneqarsimavoq.

Knud Erik: Vingsted misilinneqarsimavoq bussinik "akeqanngitsunik" attartorluni, atorneqanngitsunilli, TUSA-llu ukiuni kingullerni 30-ini amigartoorutaasumik ingerlasarneranut naliliutaalluni, naak periarfissat piffissallu allat misilinneqarsimagaluartut.

Kirsten Møller-Jørn: Piginnaanilippassuit TUSA-mut peqataasarput taamaattumik unammeqataasut/peqatigiiffiit aliikkusersuinnermut suleqatigiillutik aqqissuussutut atorniartigik. Ullormi peqatigiiffiit nipilersornikkut piginnaanerminnik takutitsiviattut ingerlanneqartarpoq.



Kalaallit Peqatigiiffiisa Kattuffiat Inuit – Fællesforeningen Inuit

Sofie Sørensen: Angalaqatigiittarnissaannik siunnersuuteqarpoq.

Peqatigiiffiit ingerlaqatigiissinnaasarnissaa akileeqatigiillutik amerlanerusut ornigussinnaanissaanut aqqaasinnaanissaa eqqaaneqarpoq.

Misilinneqarnikuusimagaluarpoq aqqissuussap allamut inissillugu kiisalu bus-inik attartornerit iluatsitsiffiusarsimanatik akissaajaataaginnartartullu inissittarlutik.

Avataaninngaanniit attartorluni aliikkusersuisussanik atorunnaarluni

Peqatigiiffiit namminneq unamminerup kingorna aliikkusersuisarnissaat Ikioqatigiiffigisalnissaa siunnersuutigineqarpoq.

Peqatigiiffiit ataasiakkaat ingerlaaqatigiissinnaanissamik aqqissuussinnaanissaat pikkoriffigineqarnerusariaqarpugut.

Kirsten Pedersen-ip inissaminiinginnerarpaa café-mi neriniarnermini Iggisissaminnik pisequsaasimanginnerat.

Camilla: Aqqissuussinnermi imigassallersinnaaneq nalunaqqutaq 5-llimanut aatsaat ammarneqartarpoq, ulloq nuannersooqqullugu. Tamanna paatsuinerusimavoq Pejsegård-imi sulisut tungaanniit tamannalu pillugu Inuit Pejsegård-inimut oqaloqatiginnissimapput.

Ullap eqqaavaa aqqissuussinnermi nipilersortitsinnermi/aliikkusersuititsinnermi nipilersortartut ataasiinnaat atorneqartartut, taamaattorli Pejsegård-i akissatigut periarfissarinnerpaajusoq.

Stine siunnersuuteqarpoq ataatsimoorluni iserinnermi akikillisaasoqartarsinnaannissaa.

Camilla: Isernermi/nerinermilu Inuit akikillisaaviginnittarpoq iserneq/nerineq aalajangersimasumik akiliisitsinikkut (pakkeløsning) peqatigiiffiit ilai ilaasortaminnut akikillisaaviginnittarput, tamannalu peqatigiiffiit namminneq iluminni aqqitassaraat.

Ida Børding: Bus-inik mikinerusunik attartorsinnaanissaq periarfissaavoq.

Grethe-p nalunngilaa peqatigiiffiit erinarsortartui erinarsortarnermikkut isertitaqartarmata, tamakku INUIT aqqissuussaanut peqataanermut aamma atortarsinnaammatigit.



Kalaallit Peqatigiiffiisa Kattuffiat Inuit – Fællesforeningen Inuit

Camilla: Pejsegården apersortittoqarnerata nalaani allanit atorpeqartarnera pequtaallu-ni TUSA inissineqartarpoq atorpeqangiffiata nalaani.

Camilla: INUIT aaqqissuussinermut atatillugu program-iliorneq suliarisarpaat, tas-sungalu atatillugu peqatigiiffiit peqataanissamut nalunaarnissaannut nalunaarfissaq ilaneqarsinnaavoq apeqqummik, soorlu imaattumik:

“Aliikkusersuinnermut peqataarusuppisi? Aap Naamik”

TUSA-mut ukioq manna aliikkusersuineq peqatigiiffinnut “miloriunneqassaaq”.

Kingorna TUSA-mi siulersuisut nalilersussavaat aaqqissuussaq qanoq ingerlasimannersoq.

Aaqqissuussinerup kingorna peqataasimasut naliliinertik pillugu INUIT-imut nalu-Naaruteqaqquneqassapput TUSA qanoq isumaqarfiginerlugu.

Knud Erik: Siunnersuuteqarpoq nemtilmeld atorlugu TUSA-mut billet-sersisoqarsinnaanissaa, qaammatit marluk pingasut missaa sioqqullugu inuit naafferartumik billetsinissaannut periarfissillugit.

6.1.b TUSA 4.maj 2024 pilersaarusiorneq

Aqutsisoq: Ukioq manna TUSA-mi nipilersortussat taamaatiinnarneqassappat aningaasatigut sipaarniutiginiarlugit?

Camilla: Ukioq manna misilinneqarsinnaavoq aappaagulu nalilerlugu.

Kirsten Pedersen-ip peqatigiiffiit aliikkusersuinissaannik isuma tapersersorpaa, siunnersuutigalugulu ataatsimeersuaqqinnissaq utaqqinagu naliliisoqarumaar-toq. Peqatigiiffiit naliliinertik INUIT-imut nalunaarutigissavaat.

Camilla: Naliliutinut tigooraasorusuppoq.

Ukioq manna INUIT taamatut aaqqissuusinissaat akuerineqarpoq.

6.2 Familiedag

6.2.a Tænketank-udvalg-imiit Familiedag-imut nalunaarussiaq kingulleq

Qanga Tænketank aallartinniarneqaleramat apeqqusersorneqarsimavoq nalornisutigineqarlunilu, qujanartumilli tapersersorneqarluarnermigut “uummateqarfigineqarnermigullu” ingerlallualersimavoq, aningaasaliisartut assigiinngitsut tu-



Kalaallit Peqatigiiffiisa Kattuffiat Inuit – Fællesforeningen Inuit

nissuteqartarnerisigut soqutigineqarluni ilaqutariinnit ornigarneqartarluni. Suliniut massakut INUIT-imut ingerlateqqinneqartussanngorlugu tunniunneqarpoq. Fredericia-mi ammasumik peqataatitsisoqarluni ingerlanneqarmat 250-it peqataasimapput, sammisassat assigiinngitsut ingerlanneqartarlutik. Ukiut ingerlanerini tallimariarluni ingerlanneqarpoq ataasiarlunilu taamaatiinnarneqartariaqarsimavoq nualluussuaq pequtaalluni. Oqalugiartitsinerit ingerlanneqarsimapput, siullermik Aaja Chemnitz aappasaanil-lu Fredericiap borgmesteri. Peqatigiiffiit kaammattorneqarput aggerfimminni aqqissuussaq pilersaarusiulereeqqullugu, ikiortissammi pisariaqartinneqartuaannarput.

Aqqissuussat naammassineriniit sap. ak. marluk qaangiunnerini naliliisoqartarsimavoq Peqatigiiffiit ilaasortatik qujaffiginissaannik kaammattorneqarput aammali sulii suleqataanissaannik kaammattorlugit, taakuummatami suliat ingerlalluarsin-naanerini kivitseqataasartut.

Suleqatigiit ukiut kingulliit tallimat peqatigiiffiit ikiuttarnerinut tapersersuineri-nullu qujapput.

Ulla suleqataasimanerminut immikkut ittumik qujassuteqarpoq.

6.2.b Familiedag 25. maj 2024 pilersaarusionerq

Aningaasannanniarnaq aqutugalugu maannamut 17.000 kr.-it sinnerlugit katersorneqareerput, pilersaarusionerli kinguaattooqqagallarpoq.

Camilla neriuppoq siornatigut kajumissuseq tunngavigalugu suleqataasarsimasut aqqissuussinerimut suleqataaqqissinnaassasut, ulloq iluatsissinnaaniassammat.

Suliassap peqatigiiffinnut INUIT suleqatigalugu periarfissaavoq - peqatigiiffiit ukiut siuliini nukittuffii atorlugit.

Kirsten Møller-Jørn: Aqqissuussinerit annertuut marluk, TUSA aamma ILAQUTARIIT ULLUA-ta qaammammi ataatsimi inissisimanerat iluaappoq.

Camilla: Ajorluartumik tamanna iluaassimavoq, ullulli taakku neqeroorutitut periarfissatuaasimapput, INUIT-illu piffissat allaanerunissaat eqqumaffigivaat.

Aqutsisoq Katrine siunnersuuteqarpoq peqatigiiffimmi suleqatigiissitaliortoqarnissaanik.

Camilla: INUIT tamanna ammaffigivaat.



Kalaallit Peqatigiiffiisa Kattuffiat Inuit – Fællesforeningen Inuit

6.3 Pikialaarfik

6.3.a Pikialaarfik 2023 nalilersorneqarnera

Pikialaarfimmut assingusumik siornatigut ingerlatsisoqarnikuuvoq Naapik-mik taaguutilimmik aaqqissuunneqartariaqarpoq.

September-imi sap. ak. siulleq Pikialaarfimmut atorneqarsinnaanissaa siunnersuutigineqarsinnaavoq.

Pikialaarfiup ingerlattarnerata peqatigiiffiit akornanni kaaviiartinneqarsinnaanissaa siunertaanikuuvoq INUIT-imiit suleqateqarneq peqatigiiffiillu suleqatigiinnerat annertunerulerniassamat.

Gitte-Anna Biilmann: Aaqqissuussineq ass. Kalaallit Illuini nivinngaassuinnikkut nittarsaanerqarnerusinnaanissaanik ujartuivoq, inuit aaqqissuussaq pillugu paasisaqarneruniasammata. Kalaallit Illuisa nittartagaani link-imik Inuit nittartagaanut tikkuussisumik ikkussisoqarsinnaavoq.

Camilla: Kallaallit Illuisa nittartagaani ilaavugut taakkulu atornissaannut pikkorinnerusinnaavugut, pingaartumik teknik-ikkut sanngiifegaratta. Siornatigut nalunaarutigini kuarput inunnik teknik-ikkut pikkoriffilinnik amigaateqarluta tamannalu nassuerutigisavarput Gitte-Anna-llu siunnersuutaa paasinnilluta tiguarput.

Pikialaarfiup qaqugukkut pinissaa apeqqutigineqarpoq september-imilu sap. ak. siulleq inissinneqartartoq ilisimatitsissutigineqarluni, apeqqutaavorli peqatigiiffiit suleqataarusuttut qaqugukkut piffissaqarnerut nukissallu.

Sofie Søholm aperivoq ukiakkut kingusinnerusukkut inissinneqarsinnaanersoq, upernaakkut, atuarlernerit pisartullu allat eqqarsaatigalugit. Immaqa taamaalippata ornigineqarnerulissasut.

Camilla: Piffissami tassaniinnissaa siunnersuutaannaavoq, peqatigiiffiit suleqataasussat qanoq periarfissaqarnerat apeqqutaaginnarpoq.

Anna: Pisussat sumiiffinnut assigiinnginnerusunut inissinneqarsinnaanerlutik, maannamut arlallit qitiusumiinnerummata, soorlu aalajangersimasumik Aalborg-imut inissillugu, Ilaqutariit Ulluat kujataaniimmat.

Oqareennittut Pikialaarfiup sumiinnissaa aalajangerneqarnikuunngilaq, ukiulli arlallit peqatigiiffiit suleqatiginerisa pitsanngorsarniarneqarnerannik tunngaveqarluni nikerartuutinneqarpoq.



Kalaallit Peqatigiiffiisa Kattuffiat Inuit – Fællesforeningen Inuit

Camilla: Aalajangivinneqarsimangilaq sumi pissanersoq, Pikialaarfik kaajalukaartinneqarnissaa peqqutaaqataavoq piumasarineqarmat peqatigiiffiit immiminnut suleqatigiinneerulernissaat anguniarneqarmat.

Ulla: Peqatigiiffiit sumiinneri takujuminarningortinniarlugit nunap assinganut ikkussor-neqarnikuupput quppersakkamilu aqqissuussinerit annerit takusassiarineqarlutik, kiisa-lu allaniit Aasiveeqqamut peqataanissamut periarfissat unnuiffissallu tukujuminarnin-gortinniarlugit,

Ivalo: Kalaallit Illuat, Aalborg saaffigineqarsinnaavoq ussassaarutit nittartakkaminnut ik-kunnissaannut ikiortiserallugit pisussallu peqatigiiffiit akornanni taama ililluni avitseqa-tigalugit.

Jennifer: Nordjylland-imi FB-kut nittartagaliornikuupput, tassani ataatsimiinnissat pilersaarutillu suleqatigiilluni pisussat takuneqarsinnaallutik. Allat taama ilioqqullugit kaammattuinnarsinnaavagut.

Kirsten Pedersen: Pikialaarfiup septemberimi sap. ak. siullermi inissinneqarneranut peqqutaaneruvoq piffissami tassani silap unerisimanerusarnera kingusinnerusukkut siallerajunnerusarmat anorlertarlunilu.

Ida: Aamma Aasiveeraq august-ip naaneranut inissinneqartarpoq tamakku peqqutaal-lutik, piffit avissaartinniarlugit silalu unerisimanerusarnera nalaaniillunilu.

Ujartuisoqartarneri peqqutaallutik aqqissuusinerit taakku pilersinneqarnikuupput, erseqqissaatigineqarpoq aqqissuussineri aningaasartuutit peqatigiiffinnut nanertuu-taasussaangitsumik inissisimmamata.

6.3.b Pikialaarfik 2024 pilersaarusiornissamut aalajangiineq

Siornatigut peqatigiiffiit siulittaasuisa aqqi allanneqartarsimagaluarput maannali Peqatigiiffiit suut sumilu inissisimani allanneqartalernikuupput.

Siunnersuutigineqarpoq Aasiveeraq atorluarneqarsinnaasoq inuit imminnut ilisarimanerulernissaannik siunertalimmik aqqissuussilluni.

Peqatigiiffiit assigiinngitsut suliniutiminnik paasissutissiinissartik allanut pikko-riffiginerusinnaavaat (deling) Aalborg-imi peqatigiiffiit ataatsimeeqatigiittarnermini ilaatigut tikittut nutaat

Aalborg-imit peqatigiiffiit suut qanorlu suliniuteqarnerat pillugu unnukkut paa-sissutissiivigineqarnissaat.



Kalaallit Peqatigiiffiisa Kattuffiat Inuit – Fællesforeningen Inuit

Pisariaqarpa Pikialaarfittuqartarnissaa, nalunngilarpummi peqatigiiffiit su-miiffimmini aamma aaqquussissarmata.

Pikialaarfiup siunertanut tunngatillugu INUIT-ip siunertaraa peqatigiiffiit akun-nermini suleqatigiinnerunissaat.

vn-imi kalaalliit illuannik suleqatiginninniarsimagaluarpoq, iluatsinngitsumik.

Pikialaarfik suli nutaajoqimmat INUIT-imiit ingerlaqqinnissaa siunnersuutigineqarpoq, taakkulu suleqataanissaminut atatillugu kommune-minnut § 18 malil-lugu qinnutigisinnaagaat.

Pikialaarfimmik pilersaarusionermermi ukiunut marlukkaartumik pilersaarusiorto-qarnissaanik siunnersuuteqartoqarpoq.

Siunnersuut tapersorsorneqarpoq taamaattorli peqatigiiffiit tunuliaquttaminni 1. april nallertinnagu INUIT-imut nalunaarsimassapput.

Camilla kingorna nalunaaruteqarumaarpoq kikkut ingerlatsiumaarnersut.

6.4 Juullimut Inuulluaqqusineq

6.4.a Juullimut Inuulluaqqusineq 2023 nalilersorneqarnera

Camilla: Kingullermik Vejle-anginnerarlugulu. mi aaqquussissinerup ingerlanneqaqqinnerna iluarisimaarneqarpoq siunissamilu taakaniittarnissaa siunertarineqarpoq.

Gitte-Anna: Meeqqat aliikkusersorneqarnissaanik ujartuivoq, ass. scene-mi, erinarsoqatigiit tussiarlutik naammassereernerisigut.

Camilla: Siornatigut ingerlaaseq malinneqartarmat taamaappoq, taamaattorli isumassassianut nutaanut ammapput - peqatigiiffiit inuulluaqqusenerimmassuk.

Ida: Siumut inniminniisimanermermi peqatigiiffiit ilaasortaminut namminneq isissutissanik agguasassapput.

Camilla: Ukioq manna Juullimut inuulluaqqusinermermi INUIT ukiunik 50-inngortorsiorlutik nalliuttorsiuassapput 7. dec. 2024.

INUIT kattuffiup oqaluttuassartaa pillugu atuakkamik saqqummersitsinissamik suliaqarsimapput. Peqatigiiffiit atuakkiassamut ilanngussinissaat pillugit kaammattorneqarput. Atuakkap saqqummersinnissaanut tullerriaarisinnaasunik aaqquussunnissaanullu suleqatissanik amigaateqarput.

Bolethe: Suna tamarmi akeqarpoq, kaffe, nerisassat puussiaarannattaassallu. Arlaatigut akikillisaasoqarsinnaava?



Kalaallit Peqatigiiffiisa Kattuffiat Inuit – Fællesforeningen Inuit

Camilla: INUIT puussiaarannattaassanut tapiinikuupput, pisinermi 40 kr-eqarnikoq peqataasunut tuneqqinnerani 20 kr.-eqartinneqarluni.

Kirsten Pedersesn: Atuakkiassap qanoq akeqarnissaa apeqqutigaa.

Camilla: Atuakkap saqqummersinnissaanut suleqataasussaagaluq napparsimalernikuuvoq.

Julie: Erinarsuutit naqiternerinut sipaaruteqartoqarsinnaava?

Kunngip Frederik-iup Juullimut inuulluaqqusinissamut qaaqquneqarsinnaanera apeqqutigineqarpoq.

Ujaloq: Juullimut inuulluaqqusinissap tullissaanut puussiaarannattaassat isumagiuvavaat.

Katrine: INUIT puussiaarannattaassanut taperneqartarnerat allisinneqarsinnaava, aningaasartuutaat millisinniarlugit.

Ida: Tamanna mianersuunneqartariaqarpoq allaniit aamma taperneqartaratta.

Johnhard: Ukioq kingulleq puussiaarannattaassat meqqat isissutaannut ilaatinneqarput, 15-ileereersimasunut taamaallaat akeqartinneqarlutik. Naqitikkanut tunngatillugu INUIT aningaasartuuteqanngilaq.

Ulla: Atuakkamut aningaasaliissutinik suli isertoqanngikkaluartoq peqatigiiffiit ilanngussassaasa katersorlugit aallartinnissaat innersuussutigaa.

Knud-Erik: Ukiorpassuarni takusartakkat tunngavigalugit meeqqat puussiaarannattaassaannik sumiginnarneqartartut misilittagarineqarpoq, taamaattorli angajoqqaat imigassarsinissaminnut aningaasaatik sipaarneq ajoraat. Kattuffiup isissutissanik tuniniaanermi pisariillisarnissaat siunertaralugu periarfissarsiornissaat innersuussutigaa - soorlu Nem tilmeld atorlugu.

Vittus Pîvât: Peqatigiiffiit ilaasortaminnut puussiaarannattaassanut tapiisinnaangillat?

Julie: Unnukkut nipilersortussat kiap aaqqissuuttarpai. Sooq nerisassat taama akisutigippat? Illoqarfimmi akikinnernik nerisassarsiniartoqarsinnaavoq imlt. angerlarluni neriartortoqarsinnaavoq.



Kalaallit Peqatigiiffiisa Kattuffiat Inuit – Fællesforeningen Inuit

Camilla: DGI-huset peqatigalugu inuillu nerinissamut inniminniisut qanoq amerlatigineri aallaavigalugit nerisassiortoqartarpoq. Nerisassat nunguttuaannarput.

Ivalo: Kikkut nipilersortussanik toqqaasarpat?

Camilla: Nipilersorusussinnaasut pissarsiarineqartarput akimillu isumaqasiorfigineqartarlutik akisuallaartinnaveersarneqartarlutillu.

Ivalo: Kiap aalajangertarpaa nerisassat suminggaanniissanersut?

Camilla: DGI-p avataaniit nerisassat pissarsiarisarpaat.

Ivalo: Juullip Inua Nulialu akilerneqartarpat?

Camilla: Angalanerat akilerneqartarpoq.

6.4.b Juullimut Inuulluaqqusineq / Ukiut 50-inngortorsiornissaq 7. dec. 2024

6.5 Aaqqissuussani atisaasivilerisarneq

Ujaloq atisaasivilerisuusarsimavoq kingullertigut massakkullu tamanna iperarpaat, tamanna tunngavigalugu DGI aperineqarsimavoq taakku suliaq tigussappassuk qanoq akeqartissaneraat akisimappullu 25 kr. Akigitissallugu.

Ungasissuminngaanneerlunik atisaasivilerisuulluni akilersinnaanngilaq suliarujusuullunilu assut qasunarpoq.

Peqatigiiffimmik qanittumiittumik atisaasivilerisoqarusunnerluni?

Apeqqutigineqarpoq sooq INUIT atisaasivilerineri isertitat sisamararterutaat pisaneraat, tamatumani akineqarput INUIT aaqqissuussisuummat taamatut ingerlasoqarsimasoq inunnit ataasiakkaanit aningaasarsutigeqqunagu.

Ilaatigut eqqaaneqarpoq Aalborg-imiit peqatigiiffiit arlaata atisaasivilerineq qanoq lgineqassanersoq.

Julie, Vejle peqatigiiffini aperissavaa atisaasivilerisoorusunnersut.

Atisaasivilerisussat INUIT-ilu isumaqatigiissapput 25% peqatigiiffimmiit akilerneqassanersoq.

INUIT Pejsegård-imut paasiniaassapput TUSA-mut atisaasivilerineq tigusinnaaneraat., tamatuma saniatigut peqatigiiffiit aperineqassapput qaammat ataaseq qaangiutsinnagu akisussanngorlugit.

6.6 Palaseqarniarneq / Ilagiit siunnersuisui Missingersuutinut 2024 siunnersuutit akuerineqarnerat



Kalaallit Peqatigiiffiisa Kattuffiat Inuit – Fællesforeningen Inuit

Biskop Paneeraq Siegstad-ip ilisimavaa palaseqarniarneq ajornartorsiuti-gineqartoq, taamaattumik paaserusuppaa aaqqiisoqarniarnerata misissor-neqarnissaa tapersorsorneqarnersoq. Paneeraq ataatsimiigiarnissaminut ajornartorsiut Aarhus-imut "nassarusuppaa".

Ukiut 4 – 5 matuma siornatigut ilagiit sinniisaannik pilersitsisoqaraluarpoq suliniatilli assigiinngitsut peqqutaallutik ingerlariaqqinngitsooqput.

Paneeqqap siunnersuutaa tapersorsorneqarnerluni?

14-init isumaqatigineqarluni akuerineqarpoq.

6.6 Missingersuutit 2024

Nalliuttorsior-tussanut aningaasartuusissat 3000 kr.-inngortinneqarpoq.

Siunnersuutinut iluarsissut ilanngullugu akuerineqarput.

7. Oqaluuserisassatut siunnersuut:

7a. TUSA malittarisassanut siunnersuutit

Malittarisassatut siunnersuutit oqaluuserineqarnissaat 2025-mut kinguartin-neqarput.

8. Siulersuisuunernik qinersineq: **Nye stemmetællere: Ulla, Jane**

Siulittaasoq: Camilla Siezing, qinersisoqassanngilaq, **ingerlaqqip-pooq**

Aningaaserisoq: **Johnhard Telling, qinersisoqassaaq, ingerlaqqip-pooq**

Siulersuisuni ilaasortat: **Ida Børding, qinersisoqassaaq, tunuarpoq**

Jennifer A Winther, qinersisoqassaaq, 6 suppleant

Sofie Kristiansen, qinersisoqassanngilaq, **ingerlaqqip-pooq**

Kirsten Møller-Jørn, nutaatut 8

Sofie Søholm, nutaatut 2

Gitte-Anna, nutaatut 8

Marie Møller-Lynge 4 suppleant

Sinniisussat marluk, ukioq ataatsimut

Kukkunersiu-sunik marlunnik aamma kukkunersiu-sunut sinniisussamik ataatsimik qinersineq, ukioq ataatsimut **Kirsten Pedersen, revisor og Katrine**

Eriksen revisor, Inge-Lise H-Dahl, revisorsuppleant.

9. Tamalaat

Tullianik ataatsimeersuartoqarnissaanut aallartinnginnermi aalajangerneqassaaq oqaatsit suut atorneqassanersut.

Pattattut kigaannerusumik pattattarnissaat anguniarneqassaaq.



Kalaallit Peqatigiiffiisa Kattuffiat Inuit – Fællesforeningen Inuit

Tuniniaasinnaanermi nerriviit 30 inersuarmut inissinneqartarput, 20-illu isaarissamut inissinneqartarlutik.

Siulliit inersuarmut inissinneqartarput.

Kalaallisut imaqarniliortoq

Marie Møller-Lyng

Camilla Siezing
Siulittaasoq

Jennifer A. Winther
Qallunaatut imaqarniliortoq

Maluginiagassaq:

Immikkoortoq: 6.4.b kalaallisut qallunaatullu imaqanngilaq 6.4.a 6.4.b-lu ataatsimut eqqartorneqarmata imaqarniliornerani avissaartikkuminaallilutik.

Phk 4.
Nangaassiteqarluni
Katrine Eriksen

Katrine Eriksen
Aqutsisoq

Marie Møller-Lyng
Kalaallisut imaqarniliortoq